



II. ATALA BIZKAIKO LURRALDE HISTORIKOKO TOKI ADMINISTRAZIOA

Ibarrangeluko Udala

Kultura eremuan 2024ko ekitaldirako dirulaguntzak emateko deialdia eta oinarri arautzaileak.

1. artikulua. — Deialdiaren xedea eta helburua

Deialdi honen helburua kultur jarduerak sustatzeko ohiko diru-laguntzak ezartzea da; jarduerok Ibarrangelu udalerriko elkarteek egin beharko dituzte.

2. artikulua. — Onuradunak

Edozein pertsona fisiko edo juridiko izan daiteke honen bitartez deitu diren ohiko diru-laguntzen subjektu onuraduna, helbide soziala edo kokapen iraunkorra Ibarrangelu badauka. Halaber, Ibarrangelu udalerrirako interesgarria den kultur jardueraren bat garatzeko asmoa izan beharko du, deialdi honetan azaldutako irizpideei jarraituz.

3. artikulua. — Eskabideak aurkezteko leku eta modua

Eskabideak Ibarrangelu udaletxean, dagoen udal-erregistroan aurkeztu beharko dira edo, bestela, Administrazio Prozedura Erkideari buruzko Legeak azaldutako lekuren batean, Udalak horretarako prestatuko dituen inprimakietan.

Epea: 2024ko urtarrilaren 1tik hasita, martxoaren 31ra arte (azken egun hau sartuta).

Honako agiri hauek erantsi beharko dira eskabidearekin batera:

- 1) Diru-laguntzaren eskabide normalizatua.
- 2) Datu ekonomikoen orria (Eskabide-orrian dago).
- 3) Erakunde eskatzailearen estatutuen kopia (aurreko ekitaldietan aurkeztu ez bada).
- 4) Eusko Jaurlaritzaren Elkarte eta Erakundearen Erregistroan izena emanda duela azaltzen duen ziurtagiria (aurreko ekitaldietan aurkeztu ez bada).
- 5) Erakundearen IFKren fotokopia, erakunde juridikoa bada (aurreko ekitaldietan aurkeztu ez bada).
- 6) Estatutuetan azaldutakoari jarraituz, erakundearen arduraduna den pertsonaren NANaren fotokopia.
- 7) Betebehar fiskaletan eta Gizarte Segurantzaren egunean egotearen ziurtagiriak.
- 8) 2024. urtean egin beharreko jardueren egitaraua, horiek egiteko egunak zehaztuz.

Udalak, kasu zehatz bakoitzari jaramon egiteko, beste dokumentu osagarri batzuk eskatu ahal izango dizkio eskatzaileari, aurkeztutako proiektua osorik baloratzeko egokitzen jotzen badu.

Eskatzailearen batek aurreko deialdiaren batean aurkeztu badu eskabidea, ez ditu berriro aurkeztu behar izango, Udalak, dagoeneko dituen agiri eta informazioak, aldakuntzarik ez bada egon, eta bost urte baino gehiago ez bada igaro.

Eskabideak baztertzea

Ez dira aintzat hartuko lehenago ere Ibarrangeluko udalak emandako diru-laguntzen azalpen edota justifikazio memoria (agiriaren bidezkoa) aurkeztu ez duten erakundeek edo pertsonak egindako eskabideak.

Eskabide osagabeak edo akastunak

Aurkezturiko eskabidea edo erantsitako dokumentazioa osagabeak izanez gero, edo zuzentzeko moduko beste akatsik edukiz gero, hori 10 laneguneko epean zuzentzeko eskabidea egingo zaio eskatzaileari, agindeia jakinarazi eta biharamunetik aurrera zenbatzen hasita; hori egin ezean, eskabidea baztertu egingo da.



Eskabideak adierazitako epeetatik kanpo aurkeztekotan, eskabideok atzera botako dira, artxibatuz, beste tramiterik egin behar izan gabe.

4. artikulua. — Diru-laguntzaren zenbatekoa

Honako hauek izango dira eskatzaileen artean banatuko diren gehieneko zenbatekoak:

— Subentzioak kultur taldeentzako: 30.000 eurorarte, gastua.

5. artikulua. — Emateko prozedura

Diru-laguntza hauek emateko prozedura norgehiagoka izango da.

6. artikulua. — Diru-laguntza emateko irizpide objektiboak

1. Aurkeztutako proiektuak balioztatzeko, jarraian zehaztutako faktoreak hartuko dira kontuan:

- Proposamena egiten duen pertsona edo erakundeak lbarrangelu udalerrriaren giroan duen garantiza eta finkotasuna: gehienez 10 puntu.
- Jardueraren kalitatea eta oihartzuna: gehienez 10 puntu.
- Erakundeak bere jardueratan eta ezagutaraztean, euskara erabiltzea: gehienez 10 puntu.
- Aurkeztutako aurrekontua: gehienez 10 puntu.
- Gizon-emakumeen arteko berdintasuna sustatzea, erakundearen ordezkapen orekatua bai Entitatean bai Juntan, eta jardueraren eragina gizonen eta emakumeen arteko berdintasunean: gehienez 10 puntu.
- Laguntza eta inplikazioa lbarrangelu Udal programekin, besteak beste.
- Aurkeztutako lehengo ekintzen txostena eta kitapena: gehienez 10 puntu.

7. artikulua. — Bideratzea eta ebaztea

Alkatetzaren bitartez ebatziko dira eskabideak, Euskara eta Kultura batzordeak proposatutakoa kontuan hartuta. Hiru hilabeteko epea egongo da horretarako, deialdi hau argitaratzen denetik aurrera zenbatzen hasita.

Ebazpena jakinarazteko 30/92 Legearen 58. Artikuluak xedatzen duenari jarraituz egingo da.

Epe hori igaro eta eskabideari buruzko berariazko ebazpenik azaldu ez bada, ukatu egin dela ulertu beharko da, ondoren horri buruzko berariazko ebazpenik emateari kalterik eragin gabe.

8. artikulua. — Onuradunen betebeharrak

Deialdi honetan azaldutako diru-laguntzen onuradunak diren pertsonak edo erakundeak honako betebehar hauek izango dituzte:

- Kultur eremuan ohiko diru-laguntzak emateko modua arautzen duen oinarri arau-tzaileetan ezarritako arauak behar bezala betetzea, bai eta diru-laguntza emateko ebazpenean ezar daitezkeen baldintza bereziak ere.
- Eman zaion diru-laguntzari, eskatzeko azaldu zen helburu zehatza ematea.
- Diru-laguntza jaso duen jarduera garatzeko beharrezko baimen guztiak lortzea.
- Sustapeneko elementuetan eta diru-laguntza jaso duen jarduerarako lantzen diren karteletan, testuetan edo agirietan, lbarrangelu Udalaren babesa aipatuko da.
- Udalak eskaturiko laguntza guztia emango da, dirulaguntza jaso duten ikuskizunak edo jarduerak hobeto garatzeko. Eskaera horri ezetzik emanez gero, egindako eskabidea artxibatu egingo da, edo bestela, iraungi egingo da, eta emandako diru-laguntza itzuli beharko da; gainera, bidezko zehapen guztiak ezarri ahal izango dira.



- Helburu berbererako lortu diren gainerako diru-laguntza guztien berri ematea, horien jatorria publikoa edo pribatua izan arren, eta jasotako zenbatekoa argi adierazi beharko da. — Udalak egingo dituen egiaztapen jarduerak onartzea.
- Emandako zenbatekoari eman zaion erabilera justifikatzea.

9. artikulua. — Laguntzaren justifikazioa

1. Diru-laguntza jaso duen jarduera amaitu ondoren, agirien bidezko justifikazioa egin beharko da, diru-laguntzari emandako erabilera zuzena egiaztatzeko.
2. Horretarako, honako agiri hauek aurkeztu beharko dira:
 - a) Urtean garatutako jarduera guztien programari buruzko memoria xehatua.
 - b) Udalak emandako inprimakia, justifikazio orria deritzona: jarduerak eragindako diru-sarrera eta gastuen balantzea. Diruz lagundutako jarduera honetarako beste edozein laguntza edo diru-laguntza jaso bada, hemen azaldu beharko da, laguntza publikoa zein pribatua izan.
 - c) Jardueraren ondorioz sorturiko gastuen jatorrizko ziurtagiriak, emandako zenbatekoaren kopuru osoraino. Ziurtagiri horiek fakturak edo frogarako baliozkoak diren beste elementu batzuk izango dira, eta baliozkotasuna edukiko dute merkataritzako trafiko juridikoan.

Horrela bada, honakoak azaldu beharko dira fakturetan, nahitaez:

 - Erakunde, Elkarte edo dena delakoaren identifikazio fiskala.
 - Hornitzailearen identifikazioa.
 - Fakturaren eguna.
 - Zerbitzua eragin duen jarduera.
 - Zerbitzuaren deskribapena.

Justifikatu eta onartu diren gastuen %10 arte agiri bitarteko justifikazioa egitea salbuesten da eta justifikatzeko zailtasunezko gestio-gastu modura hartuko dira. Horrenbestez, nahiz eta agiri bidezko justifikazioa izan, ez dira onartuko honako motako gastuak: jatekoak, edariak eta antzerako kontsumoak, salbuetsita diru-laguntza bera emateko oinarria izandakoak (herri bazkari edo jaiak).
 - d) Diru-laguntza jaso duen jardueraren edo ikuskizunaren eraginez argitaraturiko edo editaturiko liburuxka, kartel, liburu, bideo, CD-Rom eta antzeko bakoitzaren ale bat. Horietan guztietan diruz lagundutako jarduera Ibarrangeluko Udalak babestu duela adierazi beharko da.
3. 2025ko urtarrilaren 3an amaituko da justifikaziorako epea.
4. Jarduera beste edozein erakunde publikoren edo pribaturen laguntzarekin finantzatu bada, justifikazioaren zatitza, fondo horien jatorria eta diru-laguntza jaso duten jardueretarako aplikazioa egiaztatu beharko da.
5. Onuradunak aurkeztu dituen jatorrizko agiriak behar dituenean, fotokopia batekin batera emango dira; erkatu eta jatorrizko agiriak zigilatu eta onuradunari itzuliko zaizkio.
6. Aurkezturiko justifikazio agiri guztien data diru-laguntza jaso duen ekitaldi ekonomikoa izango da.

10. artikulua. — Diru-laguntzaren ordainketa

Kasuan-kasu emandako diru-laguntza bi zatitan ordainduko da ondoko prozedura honi jarraikiz:

- 1) Dirulaguntza onartzen denean, emandako laguntzaren zenbatekoaren %90 aurreratutako ordainketa gisa pagatuko da.
- 2) Gainerako zatia ordainduko da justifikazioa aurkeztu eta dagokion zuriketaren arabera. Hartara, likidazio-txostena egingo da.

**11. artikulua. — Diru-laguntza itzultzea**

1. Ondorengo kasuetan jasotako laguntza Udal Kutxetara itzuli beharko da edo, halaber, zain dagoen kopurua bertan behera utziko da:

- a) Emandako zenbatekoa eskabidean adierazitako helbururako ez erabiltzea. Bereziki, Oinarri hauetako 9.
- c) artikuluan xedatutakoari erreparatuz.
- b) Diru-laguntza beharrezko baldintzak bete barik lortzea.
- c) Onuradunari egotz dakizkioken arrazoiak direla-eta, deialdi honetako 8. artikuluan azaldutako betebeharrak ez betetzea.
- d) Justifikazio egokia ez egitea, deialdi honetako 9. artikuluan ezarritakoaren arabera. Gastuaren justifikazio partziala eginez gero, justifikatu gabe gelditu den gastuaren zenbateko baliokidea itzuli beharko da.
- e) Gehiegizko finantziazioa izatea, jardueraren benetako kostuari dagokionez; kasu horretan soberakin osoa itzuli beharko da.
- f) Beste erakunde batzuen diru-laguntzekin batzean behar baino gehiagoko finantziazioa gertatuz gero, Ibarrangeluko udalak emandako zenbatekoa itzuli beharko du onuradunak, finantzatutako kopuru osoaren gainean berak emandako kopuruaren arabera.
- g) Diru-laguntza emateko ebazpenean onuradunei ezartzen zaizkien baldintzak edo betebeharrak urratzea, jarduera edo proiektua egiteko moduari dagokionez. Kasu horretan, itzuli beharreko zenbatekoa zehazteko kontuan hartuko da ez-betetzeen larritasuna, zuzentasun eta proportzionaltasun abiaburuei jaramon eginda.

2. Edonola ere, zati batean edo guztiz itzuli beharreko zenbatekoa zehazteko, kontuan hartuko dira proportzionaltasun eta berdintasun abiaburuak. Horretarako, kasu zehatz bakoitzaren inguruabarrak aztertuko dira.

12. artikulua. — Erregulazioa

Honako oinarri bereziek Ibarrangeluko Diru-laguntzak Emateko Arautzen duen Udal Ordenantza Orokorra osotzen dute.

Ibarrangelun, 2023ko urriaren 2an. — Alkatea, Jesús María Ziluaga Acebo